



საქართველოს იუსტიციის უმაღლესი საბჭო

ლევან მიქაბერიძე

ბ ი უ ლ ე ტ ე ნ ი

კ ე ნ ჭ ი ს ყ რ ა - 12.11.2021

თანახმა ხართ თუ არა, საქართველოს უზენაესი სასამართლოს მოსამართლეობის კანდიდატად საქართველოს პარლამენტისათვის წარდგენილ იქნეს თამარ ოქროპირიძე?

დიახ

არა

საქართველოს იუსტიციის უმაღლესი საბჭოს წევრი
ლევან მიქაბერიძე

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის, კანდიდატის - თამარ ოქროპირიძის, წარდგენის შესახებ გადაწყვეტილების

დასაბუთება

საქართველოს იუსტიციის უმაღლესი საბჭოს 2020 წლის 7 ოქტომბრის N1/134 განკარგულების საფუძველზე დაიწყო საქართველოს უზენაესი სასამართლოს მოსამართლეობის კანდიდატთა შესარჩევი კონკურსი, რომლის ფარგლებშიც იუსტიციის უმაღლესი საბჭოს 2020 წლის 5 ნოემბრის N1/141 განკარგულების საფუძველზე შერჩევის პროცედურაში კანდიდატად დარეგისტრირდა თამარ ოქროპირიძე.

იუსტიციის უმაღლესი საბჭოს შესაბამისი სტრუქტურული დანაყოფის მიერ „საერთო სასამართლოების შესახებ“ საქართველოს ორგანული კანონის 34² მუხლით დადგენილი წესით კანდიდატთა, მათ შორის თამარ ოქროპირიძის, შესახებ მოძიებულ იქნა შესაბამისი ინფორმაცია. გარდა ამისა, ამავე ორგანული კანონის 34¹ მუხლის მე-8 და მე-10 პუნქტების შესაბამისად ჩატარდა კანდიდატების საჯარო მოსმენა.

ზემოაღნიშნული პროცედურების შეჯამების შედეგად, საქართველოს იუსტიციის უმაღლესმა საბჭომ „საერთო სასამართლოების შესახებ“ ორგანული კანონის 34¹ მუხლის მე-13 პუნქტის შესაბამისად კენჭი უყარა კანდიდატებს საქართველოს პარლამენტისთვის წარდგენის მიზნით. იუსტიციის უმაღლესი საბჭოს 2021 წლის 17 ივნისის N2 წარდგინებით საქართველოს პარლამენტს უზენაესი სასამართლოს მოსამართლის თანამდებობაზე ასარჩევად წარედგინა 9 კანდიდატი. 2021 წლის 12 ივლისს კი პარლამენტმა რიგგარეშე სესიის პლენარულ სხდომაზე კენჭი უყარა ზემოაღნიშნულ კანდიდატებს, რის შედეგადაც, მხარი დაუჭირა მხოლოდ ექვს კანდიდატს, მათ შორის, რევაზ ნადარაიას, ბიძინა სტურუას, გოჩა აბუსერიძეს, ლაშა ქოჩიაშვილს, გიორგი გოგიაშვილსა და ლევან თევზაძეს.

„საერთო სასამართლოების შესახებ“ საქართველოს ორგანული კანონის 34¹ მუხლის მე-15 პუნქტის თანახმად, თუ საქართველოს პარლამენტი ვერ აირჩევს უზენაესი სასამართლოს მოსამართლის თანამდებობაზე დასანიშნად წარდგენილ

კანდიდატებს, ამავე მუხლის მე-12 პუნქტით დადგენილი წესით კანდიდატებად რეგისტრირებულ პირთა სიაში მითითებული კანდიდატებიდან შეირჩევა იმ რაოდენობის კანდიდატი, რამდენი ვაკანსიაც არსებობს, და ის/ისინი ამავე მუხლის მე-13 პუნქტით დადგენილი წესით წარედგინება საქართველოს პარლამენტს უზენაესი სასამართლოს მოსამართლის თანამდებობაზე ასარჩევად. შესაბამისად, 2021 წლის 4 ნოემბრის N1/182 განკარგულების საფუძველზე, საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისთვის წარსადგენი კანდიდატების შერჩევის შემდგომ ეტაპზე გადავიდა 3 კანდიდატი: თეა ძიმისტარაშვილი, ნინო სანდოძე და თამარ ოქროპირიძე.

ზემოაღნიშნულ კონკურსში რეგისტრირებულ კანდიდატთა, მათ შორის, თამარ ოქროპირიძის, სრულფასოვანი შეფასების მიზნით საფუძვლიანად შევისწავლე „საერთო სასამართლოების შესახებ“ საქართველოს ორგანული კანონის 34² მუხლით დადგენილი წესით იუსტიციის უმაღლესი საბჭოს შესაბამისი სტრუქტურული დანაყოფის მიერ კანდიდატის შესახებ მოძიებული ინფორმაცია და კანდიდატის მიერ წარმოდგენილი სამართლებრივი ნაშრომები. აგრეთვე, 2020 წლის 29 დეკემბერს თამარ ოქროპირიძესთან გამართული საჯარო მოსმენის ანალიზის შედეგად გავითვალისწინე კანდიდატის მიერ გამოვლენილი კომპეტენცია, პროფესიული უნარ-ჩვევები და პიროვნული თვისებები, რის შედეგადაც, მივიჩნიე, რომ მას გააჩნია სათანადო პროფესიული გამოცდილება, ქცევა, პიროვნული და საქმიანი რეპუტაცია, კომპეტენცია და ა.შ.. შესაბამისად, მიმაჩნია, რომ თამარ ოქროპირიძე ღირსეულად, სათანადო პასუხისმგებლობით და კეთილსინდისიერად შეასრულებს უზენაესი სასამართლოს მოსამართლის უფლებამოსილებას.

ამდენად, „საერთო სასამართლოების შესახებ“ ორგანული კანონის 34¹ მუხლის მე-13 პუნქტით დადგენილი წესის შესაბამისად 2021 წლის 12 ნოემბერს იუსტიციის უმაღლესი საბჭოს მიერ ჩატარებულ ღია კენჭისყრაზე მხარი დავუჭირე თამარ ოქროპირიძის წარდგენას საქართველოს პარლამენტის წინაშე.

ლევან მიქაბერიძე
საქართველოს იუსტიციის უმაღლესი საბჭოს წევრი

12 ნოემბერი 2021 წელი

